


# Velkommen til Loen



*Millom bakkar og berg ---*

*Fra Stryn meldes at Bondelagets innkvarteringskomite har forsøkt å utnytte de stedlige naturforhold på den mest praktiske måte.* "Nationen"

For 4. gong vert utsendingar til Norges Bondelag sitt årsmøte inviterte til Sogn og Fjordane. For 3. gongen er møtet lagt til Stryn kommune. Mykje har skjedd i det norske samfunnet og i Norges Bondelag sidan 1948. Den gongen fann 15.000 menneske vegen til Stryn. I avisene frå den gongen kan vi lese at dette var første gongen Norges Bondelag hadde hatt stemmet sitt på landsbygda ☺ .....

Rett nok er det i førre århundre, men det er trass alt berre 65 år sidan. Det var den gongen menn leia alle komiteane og kvinnene vart husmødre som opna heimen for langvegsfarande. Det var fred, det var optimisme og det var stor framtidstru med fokus på å bygge landet. Det var den gongen bønder arbeidde dugnad i to månader for å byggje stemnestaden for landsmøtet. Det var den gongen Statsråden var høgt akta, og det vekte stor glede når han i sitt 82-årige år

ville ta turen til Stryn. Det var den gong deltagarane var nøgd med ei trekkfull uisolert løe og utedo. Det var den gongen vi hadde tid og råd til ein real stor folkefest på laurdagskvelden som vart avslutta med høgmesser i tre kyrkjer og eit langt bondetog på søndagen. Det var på dette årsmøtet at styret i Norges Bondelag fekk fullmakt til å gå til innkjøp av ein skule til folkehøgskuleformål. Det var i 1948.....

Den andre gongen årsmøtet vart gjennomført i Stryn var i 1972. Ramma kring årsmøtet var denne gongen heilt annleis. Stemneopplegget kring årsmøtet var kutta ut, men det var framleis slik at mange av utsendingane hadde med sine ektefellar. Stryn hadde fått fleire hotell og campingplassar så ingen trorg privat innkvartering. Det var den gongen ektefellane var på tur medan karane drøfta viktige saker. Det var den gong Statsminister Trygve Bratteli og kona Randi tok turen til Stryn. Det var den gongen Statsministeren tok seg god tid når han vitja sine landsmenn. Det var den gongen Statsministeren møtte massiv motstand, men likevel var blid. Det var den gongen årsmøtet i Norges Bondelag si største sak var Noreg sitt tilhøve til EF. Det var i 1972 .....

No er vi kome til 2013, og når ein ser attende kan ein av og til undrast på om alt vi har vore med på er framsteg. 2013 kan bli eit like viktig års for framtida til norsk landbruk som folkerøystinga i 1972 var. Kva vil ettertida seie om årsmøtet i Norges Bondelag i 2013?



## Velkommen til Lyden- Smaken og Synet av Sogn og Fjordane


Loen ligg i Stryn kommune innklemt mellom bratte fjell. I aust strekkjer Lodalen seg heilt inn under Jostedalsbreen medan Hotel Alexandra , <http://www.alexandra.no/no/framsida/> der årsmøtet skal vere ligg ved indre deler av Nordfjorden. Vil du vite meir om Loen sitt næringsliv og attraksjonar kan du gjerne bruke følgjande søkeord på nettet: Verdens lengste motbakke – Nordfjord Kjøtt – Lodalsulukkene – Bødalsbreen – Kjenndalsstova - Loen Aktiv.

## *Lyden av Sogn og Fjordane*

**Onsdag den 12. juni** etter vel gjennomført første dag av årsmøtet oppmodar vi alle som har høve til å **ta fram bunaden** og kome på konsert i Loensalen med to av fylket sine dyktigaste artistar. Ei kvinne og ein mann.....og kvenna heiter ikkje Tone..... Sigrid og Olav skal presentere musikk og tekstar frå fylket.



**Sigrid Moldestad** er bondedotter frå Breim i Gloppen kommune i Nordfjord som no er busett i Bergen. Sidan 2000 har ho livnært seg som musikar. Ho har motteke to spelemannsprisar, kulturprisen for Gloppen, Fylkeskulturprisen for Sogn og Fjordane, Folkalarmprisen som årets folkemusikar, Hilmarpisen og ho har ved fleire høve fått Staten sitt kunstnarstipend. Gjennom kritikaroste plater og aktiv konsertverksemr er det stadig fleire som oppdagar Sigrid Moldestad, også utanfor folkemusikkmiljøet. Vi vil gje deg høve til å gjere det same ☺ Sigrid kjem til Loen med sitt eige band.



**Olav Stedje** er førskulelæraren frå Sogndal i Sogn med sommarhus i Stardalen i Sunnfjord som med sine poplåtar på nynorsk oppnådde å få Spelemannsprisen allereie i 1982. Han slo gjennom med "Vi vandrar saman" i 1981 og kunne i 2011 feire 30 år som artist. Olav har vore ein føregangsmann i å nytte språket og dialekta si i songane, og er ein av dei mest folkekjære artistane frå fylket. Han syng også supportarsongen til Bondevenene våre i Sogndal Fotball; "Stao no pao". Denne kvelden i Loen er Olav Sigrid Moldestad sin spesielle musikkale gjest.

## *Smaken av Sogn og Fjordane*

**Onsdag den 12. juni klokka 20:00.** Etter konserten trekkjer vi alle saman inn i restauranten. Bondelagskokken saman med kjøkensjefen ved Hotel Alexandra inviterer til eit praktbord med Smaken av Sogn og Fjordane frå hav til fjell. Her kan du sjølv forsyne deg med det du måtte ynskje å smake på, og nyte kvelden saman med godt følgje.



Etter maten vert det dans ☺

## *Synet av Stryn*



**Torsdag den 13. juni klokka 17:00** inviterer vi til utfærder. Etter mange timer på baken tenker vi det kan gjere godt med litt rørsle ☺ De vil verte fordelt på 6 ulike bussar som tek turen til nokon av nabobygdene til Loen. På alle turane vert det lagt opp til at de skal gå turar på 1-2 timer av ulik lengde og høgdeskilnad. Sidan vert det mat og prat før vi reknar med å vere attende på hotellet til om lag klokka 23:00. Dette er svært uformelle turar der fritidsantrekk er det beste.

De treng: Godt fotty, varme klede og klede for ulikt ver. Turane vil verte gjennomført uansett ver så regnty kan også vere naudsint. Paraply kan eigne seg på nokon av turane, men sydvesten og regndressen er best. Ein liten sekk til klede kan vere greitt å ha med.

Vi må få vite: Dersom nokon av dykk har problem med å delta på gåtur vil vi gjerne vite det ved påmelding, slik at vi kan ta omsyn til det ved fordeling på turstad.

## *Velkommen alle saman*